



ӨВӨРХАНГАЙ АЙМАГ
ХУЖИРТ СҮМЫН ЗАСАГ ДАРГЫН
ЗАХИРАМЖ

2022 оны 06 сарын 22 өдөр

Дугаар A/139

Хужирт сум

Хязгаарлалтын дэглэм тогтоох тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 59 дүгээр зүйлийн 59.1.12, Мал, амьтны эрүүл мэндийн тухай хуулийн 17 дугаар зүйлийн 17.2, 17.2.1, 18 дугаар зүйлийн 18.1, 18.3 дахь заалт, Монгол Улсын Засгийн газрын 2018 оны 266 дугаар тогтоолын 2 дугаар хавсралтаар батлагдсан “Хорио цээр, хязгаарлалтын дэглэмийн үед хэрэгжүүлэх үйл ажиллагааны журам”-ын 6 дугаар зүйлийг тус тус үндэслэн ЗАХИРАМЖЛАХ нь:

1. Тус сумын Уужим 2 дугаар багийн нутагт 2022 оны 05 дүгээр сарын 26-ны өдрөөс хойш шүүлхий өвчний шинж тэмдэг илрээгүй тул Хорио цээрийн дэглэмийг цуцалж 2022 оны 06 дугаар сарын 22-ны өдрөөс эхлэн тус багийн нутаг дэвсгэрт 14 хоногийн хугацаатай хязгаарлалтын дэглэм тогтоосугай.
2. Хязгаарлалтын дэглэм тогтоосон нутаг дэвсгэрт байгаа малтай өрхүүдийн малд тандалт шинжилгээ хийж ажиллахыг Тархвар зүйч Д.Даваасүрэн, айл өрхийн малын хашаа хороог халдвартгуйжүүлэх, мал амьтны шилжилт хөдөлгөөнд хяналт тавьж ажиллахыг Мал эмнэлгийн тасгийн дарга Б.Ичинхоролцэвэлмаад тус тус үүрэг болгосугай.
3. Хязгаарлалтын дэглэмийн үеэр хяналтын пост гаргаж техник хэрэгсэл, хүн хүч дайчлан удирдлага зохион байгуулалтаар хангаж ажиллахыг Засаг даргын Тамгын газрын дарга З.Цэцэгмаа, шаардагдах шатах тослох материал, халдвартгуйжүүлэлтийн хувцас хэрэгсэл, ариутгалын бодисоор хангаж ажиллахыг Санхүүгийн албаны дарга Д.Уранчимэг нарт тус тус даалгасугай.
4. Захирамжийн хэрэгжилтэнд хяналт тавьж ажиллахыг сумын Онцгой комиссын орлогч дарга Б.Дэмбэрэлд үүрэг болгосугай.

ЗАСАГ ДАРГА

Т.БАЯРМОНХ

322221277